



**БАЯНХОНГОР АЙМАГ ДАХЬ
ТӨРИЙН АУДИТЫН ГАЗАР**

310 дугаар байр, Лувсанданзанжанцангийн
өргөн чөлөө 3 дугаар гудамж, Номгон 1 дүгээр баг,
Баянхонгор сум, Баянхонгор аймаг, 64101
Утас: (976) 70442584

Цахим шуудан: procurement.bayankhongor@audit.gov.mn

2024.07.04 № 1/421
танай _____-ны № _____-т

Г Мөрийн хөтөлбөрт дүгнэлт 7
гаргах аудитын тухай

АЙМАГ, СУМЫН ИРГЭДИЙН
ТӨЛӨӨЛӨГЧДИЙН ХУРЛЫН СОНГУУЛЬД
ОРОЛЦОХ БИЕ ДААН НЭР ДЭВШИГЧ
ТАНАА

Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5-д "Нам, эвсэл болон бие даан нэр дэвшигчийн сонгуулийн мөрийн хөтөлбөрт орсон зорилт, арга хэмжээ нь Монгол Улсын хөгжлийн үзэл баримтлалд нийцсэн эсэх болон санхүүгийн тодорхой эх үүсвэр шаардсан арга хэмжээг хэрэгжүүлэхэд шаардагдах зардлын дүн нь Төсвийн тогтвортой байдлын тухай хуульд заасан төсвийн тусгай шаардлагад нийцэж байгаа эсэх..."-ийг Төрийн аудитын байгууллага хянаж, дүгнэлт гаргахаар заасан. Энэхүү зохицуулалтын дагуу сонгуульд оролцох нам, эвслийн мөрийн хөтөлбөрт аудит хийх бэлтгэл ажлыг эхлүүлээд байна.

1. Бид аудитыг Төрийн аудитын тухай хууль, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн хүрээнд MNS 6817:2020-Төрийн аудитын стандартын дагуу гүйцэтгэх ба дараах чиг үүргийг хэрэгжүүлнэ. Үүнд:

- 1.1. Бие даан нэр дэвшигчийн сонгуулийн мөрийн хөтөлбөрт орсон зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль болон мөн хуулийн 37 дугаар зүйлийн 37.3-т заасан мөрийн хөтөлбөрт тусгахыг хориглосон заалт байгаа эсэхийг хянах;
 - 1.2. Бие даан нэр дэвшигчийн сонгуулийн мөрийн хөтөлбөрт орсон зорилт, арга хэмжээ нь Монгол Улсын хөгжлийн үзэл баримтлалд нийцсэн эсэхийг хянах;
 - 1.3. Мөрийн хөтөлбөрийн санхүүгийн тодорхой эх үүсвэр шаардсан арга хэмжээг хэрэгжүүлэхэд шаардагдах зардлын дүн нь Төсвийн тогтвортой байдлын тусгай шаардлагад нийцэж байгаа эсэх талаар хянах;
 - 1.4. Тодруулах зүйлсийг тухай бүр мэдэгдэх бөгөөд аудитын явцад удирдлагаас нэмэлт мэдээлэл, тайлбар авах;
 - 1.5. Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.9-д заасны дагуу сонгуулийн мөрийн хөтөлбөр нь хуульд заасан шаардлага хангаагүй тохиолдолд тав хоногийн дотор зөрчлийг арилгасны үндсэн дээр дахин дүгнэлт гаргах болно.
2. Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн дагуу бие даан нэр дэвшигч дараах үүрэг хариуцлагыг хүлээнэ. Үүнд:
- 2.1. Бие даан нэр дэвшигч нь мөрийн хөтөлбөртөө дүгнэлт гаргуулахаар 07 дугаар сарын 25-ны өдрөөс өмнө аймгийн Засаг даргын Тамгын газрын 310 тоот

5020462

өрөөнд хүлээлгэн өгөх, мөрийн хөтөлбөр хүлээлгэн өгч байгаа иргэн иргэний үнэмлэхийн хуулбарын хамт ирүүлнэ. (Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37.6);

- 2.2. Бие даан нэр дэвшигч нь сонгуульд оролцох хүсэлтийг санал авах өдрөөс 60-аас доошгүй хоногийн өмнө илэрхийлэхдээ дээрх дүгнэлтийг гаргуулсан байх. (Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 25 дугаар зүйл, мөн зүйлийн 25.3.4, 25.4.4);
- 2.3. Бие даан нэр дэвшигчийн сонгуулийн мөрийн хөтөлбөр болон түүнд дүгнэлт гаргахад шаардагдах мэдээлэл (энэхүү захидлын нэг ба хоёрдугаар хавсралт) мөн мөрийн хөтөлбөрийн 3 эх хувийг хэвлэмэл байдлаар, хувийг CD -нд буулган албан бичгээр дугтуйнд хийж битүүмжлэлтэйгээр 310 тоот)-д ажлын цагаар хүлээлгэн өгнө. Дугтуйн дээр бие даан нэр дэвшигчийн нэрийг гаргацтайгаар бичсэн байна.

Иймд аудит гүйцэтгэх хугацаанд сонгуульд оролцох бие даан нэр дэвшигч дөрвөн жилийн хугацаанд хэрэгжих мөрийн хөтөлбөрийг шаардлагатай баримт, материалын хамт ирүүлэх, аудитын зорилгоор хүссэн нэмэлт тайлбар, мэдээллийг бичгээр баталгаажуулж өгөх, аудитын нотолгоог олж авах нөхцөл, боломжоор хангаж ажиллана уу.

Бие даан нэр дэвшигч нь хуулийн дээрх зохицуулалтуудыг анхаарч мөрийн хөтөлбөрөө хуулийн хугацаанд ирүүлэх бөгөөд тус чиг үүргийг хэрэгжүүлэхтэй холбоотойгоор тухайн бие даан нэр дэвшигчийг төлөөлөн шууд харилцах эрх бүхий албан тушаалтны мэдээллийг нотлох баримтын хамт ирүүлж, уг албан тушаалтан солигдох өөрчлөгдөх бүрд Төрийн аудитын байгууллагад албан бичгээр мэдэгдэж ажиллахыг хүсье.

Аудитыг хуулиар тогтоосон хугацаанд гүйцэтгэхэд харилцан хүлээсэн үүргээ хэрэгжүүлж хамтран ажиллана гэдэгт итгэж байна.

Жич: Талуудын харилцан хүлээх үүрэг, хариуцлага болон бидний гүйцэтгэх аудитын нөхцөлтэй танилцсан гэдгээ илэрхийлж хариуг албан ёсоор ирүүлэхийг зөвлөж байна.

Хавсралт.....³хуудастай.

Хүндэтгэсэн,

ДАРГА, ТЭРГҮҮЛЭХ
АУДИТОР

Б.МӨНХБАТ

Аймаг, нийслэл, сум, дүүргийн Иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5, Хөгжлийн бодлого, төлөвлөлт, түүний удирдлагын тухай хуулийн 5.3, 5.4-т заасан дүгнэлт гаргахтай холбогдуулан бие даан нэр дэвшигчийн мөрийн хөтөлбөрийн хавсралтаар ирүүлэх мэдээлэл

№	Бие даан нэр дэвшигчийн сонгуулийн мөрийн хөтөлбөрт тусгагдсан зорилт, арга хэмжээ	Шаардагдах санхүүгийн эх үүсвэрийн тооцооллыг хийхдээ төсвийн төсөөлөл, төсвийн хүрээний мэдэгдлийг баримталсан эсэх (тийм, үгүй)	Монгол Улсын хөгжлийн бодлогын баримт бичгийн нэр, холбогдох заалтыг бичих	Тайлбар
	А	1	2	3
1				
2				
...				

Жич: - 2 дугаар баганад шаардлагатай санхүүгийн эх үүсвэрийг тооцоолохдоо төсвийн төсөөлөл, төсвийн хүрээний мэдэгдлийг баримталсан эсэх

- 3 дугаар баганад Монгол Улсын хөгжлийн бодлогын ямар баримт бичгийн аль заалтыг үндэслэл болгосныг тодорхой бичнэ.

Мэдээллийг бэлтгэсэн _____-ыг төлөөлж

Бие даан нэр дэвшигчийн нэр

(ТЭМДЭГ) _____-ЫГ ТӨЛӨӨЛЖ

албан тушаал

ОВОГ НЭр

гарын үсэг

2024 оны ... сарын ... өдөр

Аймаг, нийслэл, сум, дүүргийн Иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5-д заасан дүгнэлт гаргахтай холбогдуулан бие даан нэр дэвшигчийн мөрийн хөтөлбөрийн хавсралтаар ирүүлэх мэдээлэл

(сая төгрөгөөр)

№	Бие даан нэр дэвшигчийн сонгуулийн мөрийн хөтөлбөрт тусгагдсан санхүүгийн тодорхой эх үүсвэр шаардсан зорилт, арга хэмжээ	Хамрах хугацаа	Шаардагдах санхүүгийн эх үүсвэр (Хөгжлийн бодлого, төлөвлөлт түүний удирдлагын тухай хуулийн 20.2.1-20.2.6 дахь заалт)	Шаардагдах санхүүгийн эх үүсвэрийн нийт дүн	Шаардагдах санхүүгийн эх үүсвэрийн хэмжээ төсвийн жил тус бүрээр				Тайлбар
					202 ...	202 ...	202 ...	202 ...	
	1	2	3	4	5	6	7	8	9
1	Жишээ: “Төсвийн дэмжлэгтэй бүтээн босголт, хөрөнгө оруулалтын шинж чанартай арга хэмжээний нэр”	Жишээ: 2024-2028	Жишээ: 20.2.1.улсын төсөв; 20.2.2.гадаадын зээл; 20.2.5.төр, хувийн хэвшлийн түншлэлийн гэрээ;	Жишээ: 1'626.2	Жишээ: 406.6	406.6	406.6	406.6	Жишээ: Санхүүжилтийг 4 жилд тэнцүү зарцуулахаар төлөвлөв.
2									
.....									
	Бүгд дүн								

Жич: 3 дугаар баганад шаардагдах санхүүгийн эх үүсвэр нь ХБТТУТХ -ийн 20.2.6 дахь заалтад хамаарна гэж мэдээлсэн тохиолдолд энэ ангилалд хамааруулах үндэслэл, тайлбар, нотлох зүйлийн хамт ирүүлнэ.

Мэдээллийг бэлтгэсэн _____-ыг төлөөлж

Бие даан нэр дэвшигчийн нэр

(тэмдэг) _____-ыг төлөөлж
албан тушаал овог нэр гарын үсэг

2024 оны ... сарын ... өдөр

Баянхонгор аймаг дахь Төрийн аудитын газрын 2024
оны 07 дугаар сарын 04-ний өдрийн 1/421 дүгээр
албан бичгийн гуравдугаар хавсралт

Бие даан нэр дэвшигчийг төлөөлөн Төрийн аудитын байгууллагатай шууд харилцах эрх бүхий албан тушаалтны мэдээлэл

№	Албан тушаал	Овог нэр	Регистрийн дугаар	Холбоо барих утасны дугаар	Цахим шуудангийн хаяг
	1	2	3	4	5
1					

Мэдээллийг бэлтгэсэн _____-ыг төлөөлж
Нам/эвслийн/нэр
(тэмдэг) _____-ыг төлөөлж
албан тушаал овог нэр гарын үсэг
(тэмдэг) _____-ыг төлөөлж
албан тушаал овог нэр гарын үсэг

2024 оны ... сарын ... өдөр